

## 09.03 PROFIL

---

### Nadina Derungs – «Il 19avel tschientaner è mes preferì»



Temps passads fascineschan ella. La moda, ils films, il mintgadi. Nagina surpraisa, che Nadina Derungs ha studegià istorgia. Atgnamain era quai planisà auter: Rumantsch vess stuì esser ses rom principal. E quai è ina sort surpraisa. Nadina Derungs è numnadamain creschida si a Buttikon (SZ). Ils geniturs èn bain rumantschs, ma ses mintgadi existiva oravant tut per tudestg. A la fin è daventà or dal rumantsch be in rom lateral a l'universitad, ma Nadina Derungs è tuttina crudada plainamain en la «pasta rumantscha». Saja quai sco lectura da rumantsch a l'universitad da Friburg u sco commembra dal comité d'organisaziun dals Dis da Litteratura. U saja quai era sco traductura d'emissiuns rumantschas per il Teletext u sco professiun principala sco editura da cudeschs d'uffants per la Lia Rumantscha. Ma propi s'entusiasmar as entusiasmescha ella per temps passats. Oravant tut per il 19avel tschientaner. «Jau sun ina persuna in pau nostalgica», di Nadina Derungs cun ses 35 onns da sai sezza. Alerta en il preschent è ella però segira cun sfunsar cun bavrola en l'aua turchisa dal la mar da las Seychellas.

*Redacziun: Anna Serarda Campell*